

ድያድ

ማጸጥ ሀሹሽን ሀይጢ ይስኩ ጋህ

ማጸጥ ሀሹ ካንጉሽ ጋህ ጋድ ሀይጢ ይስኩዌ። ዩሪ ዶዳ፣ ጫራ፣ ካንግ ኢሥ ጎብቃኑሻ፣ አሣ ኤንዲስ ካንግ ዎሳሳን ሶይ አሣ ድያዳሳን ሀይጢ ይስኩዌ። ማጸጥ ሀሽ ይሲንድ ቃዝቂ አሣ ዎሳሳማን ጩቡ ቃይጽኒ ጋዳሳና፣ ጩቡ ይሲንድ ኢራቲንድ ዎሳሳን ዶድ ቶሕን ቤሻሳን ሀይጢ ይስኩዌ። ጩቡይ ዶድ ቶሕን አቲ ቤሹሻሚንድ ዩሪ ሀርኬሳን ይሣሳን ይቃን ጸጋንቂ ይስኩዌ።

ማጸጥ ሀሽካን ይርሽ ታማ ናማን ኡጥንሲ ይስኩሽ ቤሻጉሽ ናሳ ማጥ አብርሀም ማስቲ ይስኩሻ፣ ይ አሥንዳ ጋህን ሀይጢ ይስኩዌ። አብርሀም ይሲንድ ዩሪ ይ ኩርሱሽ፣ ኢባራስ፣ ዩሪንድ ባዩሽን ሀይጢ ይስኩሽስ ሲስኪ ይያም አቂ ይስቲሽ አሣ ጊዜዎ።

ናሳ ኡሻ፣ ይ ንያእንዳ ቦዳም ዩሪ አይሁድ አሥንዳ ባዩሽን ባድ ባ ኢሥ አሣኔንዲስ ማጥ ዶድ አሣ ባ ዛራሜንድ አሥኒ ሹኑዌ። አሥንዳ ኤንድ ይያጋ ቦዳማን ዩሪ ዶድ ቶሕን ይስኪንድ አሥንዲስ ጥያሥና ባ ማኩሽስ ይሥኒ ኩርሱዌ።

ድያዳጋ ጋድ

1¹ ዩሪ ካንጉሽ አፓርቅን ዶድ ይሢ ጫር ይሢ ድያዳ።
 2² ኡሻም ዶዲ ኤራጎን ይ ቶሕን ካያጊ ይስትን ሀር ይስቲ። ሽፕ ጠጳንቂ ይስኩሽ ኡርዲ ዶድ ቶሕን ካንግ ይስቲሽ ይዝ ዴብም ይስትን፣ ዩር ማሺ ሶአ ኡሻ ቶሕን ይስቲ።

3³ ዩሪንድ «ጮብቲ ፔትማኪ» ማክን ጮብቲ ፔቲ።
 4⁴ ይሲንድ ጮብት ኡሺ ይ ካጥስን ቤቅንሲ ጮብት ይሢ ኡርድ ይሢ ባድ አሡ።
 5⁵ ይሲንድ ጮብቲስ ፓሻ ማኪ፣ ኡርዲስ ጡም ማኩ። ኡሻሚንድ ዶዲ ጡሚ ዎንትን ማጥ አቅ አቲ።

6⁶ ዩሪንድ «ሶአ ሀይቅን ይስትንሱሻ፣ ዶድን ይስትንሱሻ ቤሽክንሱሽ ኡሻ ዴንትካን ፔትማኪ» ማኩ።
 7⁷ ይሲንድ ኡሺስ ይሥንሲ ሶአ ይ ካማም ይስኩሻ፣ ይ

ዱንጋም ይስኩሻይስ ባድ አሠ። ኡሽ ይሲንድ ዩሪ ሀይሙሽዎጥን ፔቱዌ። 8 ይሲንድ ኡሺስ ጫር ማኩ። ኡሻሚንድ ዶዲ ጡሚ ዎንትን ናም አቅ አቱ።

9 ዩሪንድ «ጫር ዱንጋም ይስኩሽ ሶኢ ማጥን አትማኪ፤ ኩሣ ኮሊንድ ኬስኪ ቤስትማኪ» ማኩ። ኡሽ ይሲንድ ይሲ ሀይሙሽዎጥን ፔቱ። 10 ይሲንድ ኩሣ ኮል ኡሺስ ዶድ ማኪ፤ ሶኢ ማጥን ጋብታንቂ ይስኩሺስ ባሀር ማኩ። ይሲንድ ኡሺ ይ ካጥሱሺስ ቤቁ። 11 ዩሪ ይሲንድ «ዶዲ ኮች ሀይ ጳርስማኪ። ኡሻ ጳቂ ይስኩሺንድ ሙእ አፓ ባ ዛራም ዛራም ይስቲ አፕ ኡጥንሱሻ፣ ኢንቻ ባ ዛራም ዛራም ይስቲ አፕ ኡጥንሱሽ ፔትማኪ» ማኩ። ኡሽ ይሲንድ ይሲ ሀይሙሽዎጥን ፔቱ። 12 ዶድ ይሲንድ ኮች ሀይ ጳርስን ሙእ አፓ ባ ዛራም ዛራም ይስቲ አፕ ኡጥንሱሻ፣ ኢንቻ ባ ዛራም ዛራም ይስቲ አፕ ኡጥንሱንዳ ኤንዲ ጳቂንድ። ዩሪንድ ኡሺ ይ ካጥሱሺስ ቤቁ። 13 ኡሻሚንድ ዶዲ ጡሚ ዎንትን ካዝ አቅ አቱ።

14 ዩሪ «ጡማ፣ ፓጥ ይያም ኤርስትንሱዌሽን ሀይቅን ጫርቃን ይስቲ ሳማኪንዲ ሳምማኮ። ኢሣይቅኒንድ አብ ኤርታ፣ ዶዳ፣ ብያርጋ ኤንዲስ ፕያዳ ባ ማላትንሱዌሽን ፔትማኮ። 15 ዶድ ቶሕኒንድ ባና ጮብትንሱዌሽን ሀይቅን ጫርቃን ይስቲ ሳምማኮ» ማኩ። ኡሽ ይሲንድ ዩሪ ሀይሙሽዎጥን ፔቱ። 16 ዩሪንድ ኤዝ ኤዛ ሳማኪንዲስ ናም ይሠ። ይሲንድ አባሪ ፓሻደንቲስ ኡካርስንሱዌሽና፣ እያርፒንድ ጡሚስ ኡካርስንሱዌሽን ይሠ። ይሲንድ ቃዝቂ ሻይትንዲስ ይሠ። 17-18 ዩሪንድ ኢሣይቅኒ ጡማማ፣ ፓጥማ ዶድ ዴብም ሳንቂ ኡርዳ፣ ጮብታይንድ ኢሣይቅናም ኤርስትንሱዌሽን ሀይቅን ጫርቃን ኢሣይቅኒስ ይሠ። ይሲንድ ኡሺ ይ ካጥሱሺስ ቤቁ። 19 ኡሻሚንድ ዶዲ ጡሚ ዎንትን አድ አቅ አቱ።

20 ዩሪ «ካሣም ፕያጺ ይስኪንዲ ሶእቃን ጮንማኮ፤ ፑኪ አፕቲ ይስኪንዲንድ ዶድ ቶሕን ጫር ጎብቃን ፑክማኮ» ማኩ። 21 ዩሪንድ ኤዛ ኤርስታርጌንድ አሩ ሀርኪንዲስ ይሢ፤ ባ ዛራም ዛራም ሶእቃን ይስኪንዲስ ካንግ ይሢ፤ ባ ዛራም ዛራም ይስኪንድ ጫርን ፑኪ አፕታጌንዲንድ ካንግ ይሢ ኤንዲስ ድያዱዌ። ይሲንድ ኡሺ ይ ካጥሱሺስ ቤቁ። 22 ዩሪንድ ሶእ ጎብቃን ይስኪንዲስ «ሶኢ ባሀርቃን ጋጊ ጮንንዴ» ማኪ፤ ጫርን ፑኪ አፕቲ

ይስኬንዲስ «ዶድ ዴብም ቤሽንዴ» ማኪ ኤንዲስ ካንግ ዲሩ።²³ ኡሻሚንድ ዶዲ ጡሚ ዎንትን ኡቻ አቅ አቱ።

²⁴ዩሪ «ጊዛ፣ ባዝቂ አጥቲ ይስኬንዳ፣ ጸጥንዳ ኤንዳ ባ ዛርቃን ዛርቃን ይስቲ ካሣም ጥያጺ ይስኬንዲስ ዶዲ አሥማኬ» ማከን ኡሽ ይሲንድ ይሲ ሀይጡሽዎጥን ፔቱ።

²⁵ዩሪንድ ጸጥንዲስ ኢሥ ዛራም፣ ጊዝንዲስ ኢሥ ዛራም፣ ባዝቂ አጥቃጊንዲስ ኢሥ ዛራም ይሡ። ይሲንድ ኡሽ ይ ካዣሱሽስ ቤቁ።

²⁶ዩሪ «አሢስ ኒሕዎጥን ኒሕ አምሣም ኒኒ ድያዴ። አሣይቅኒንድ ሶእ ጎብቃን ይስኬንድ አሩዋ፣ ጫርን ፑኪ አጥቲ ይስኬንዳ፣ ጊዛ፣ ዶድ ቶሕን ይስኬንድ ካንግ ካሣም ጥያጺ ይስኬንድ ዴብማ፣ ዶድ ዴብሚንድ ካንግ ኡካርስንማኮ» ማኩ። ²⁷ዩሪንድ አሢስ ባዎጥን ድያዴ፣ ይሲንድ ባሐጋ አምሣም አሣይቅኒስ እያና፣ ማይና ይሢ ድያዴ። ²⁸ይሲንድ አሣይቅኒስ «ቤሺ ጌቢ ዶድ ዴብሚንድ ጋጊ ዶድ ሀሺስ ጎቲ አሀንዴ፣ ሶእ ጎብቃን ይስኬንድ አሩዋ፣ ጫርን ፑኪ አጥቲ ይስኬንዳ፣ ዶድ ቶሕን ይስኬንድ ካሣም ጥያጺ ይስኬንዳ ኤንድ ካንግ ዴብም ኡካርስንዴ» ማኪ ዲሩ።

²⁹ይሲንድ ቃዝቂ «ታና ይንታይቅናጋ ሙእ ይሲ አትንሱዌሽን ካንግ ዶድ ቶሕን ይስኩሽ ሙአ አጥ ኡጢ ይስኩሻ፣ ኢንቻ አጥ ኡጢ ይስኩሻይስ ካንግ ታ ይንታይቅኔሽን ኡሣንቁዌ። ³⁰ካንግ ዶድ ዴብም ይስኬንድ ጸጥንዴሽና፣ ካንግ ጫርን ፑኪ አጥቲ ይስኬንዴሽና፣ ካንግ ባዝቂ አጥቲ ይስኬንዴሽና ኤንዳ ባ ካሣም ካሥኒ ጥያጺ ይስኬንዲ ሙእምሱሽ ኮች ሀያ ጨሊስ ካንግ ታ ዩሻሳንቁዌ» ማኩ። ኡሽ ይሲንድ ይሲ ሀይጡሽዎጥን ፔቱዌ። ³¹ዩሪንድ ካንግ ባ ይሡሽ ጋሂስ ቤቅንሲ አሣይቅናም ሶይሲ ካሻቁ። ኡሻም ዶዲንድ ጡሚ ዎንትን ሳጥም አቅ አቱዌ።

2 ¹ኡሻሚንድ ዶዳ፣ ጫራ አሣይቅን ጎብቃኒንድ ይስኬንድ ሸድ ጋሀንዲ ካንግ ድያስቲ ውሩዌ። ²ዩሪንድ ቃይጸ ባ ይስቱሺስ ውርስንሲ ይ ናጥም አቅ ጎቅን ባ ቃይጸቃን ካንግ ይርቹ። ³ይሲንድ ድያዳ ቃይጸ ባ ይስቱሺስ ውርስንሳ ይያም ጎቅን ባ ይርቹዌሽን ናጥም አቅ ኡሺስ ዲሪ ሶይሱዌ። ⁴ኤስን ዶዳ፣ ጫራ ድያስቲ ውሩሺ ኡሽዎጥና ጊዜዎ።

አዳማ፥ ሄዋና

ዮራ ካሒ ዶድ ይሣ፤ ጫር ይሣ ባ ድያዱሻም ⁵ ዶድ ቶሕን ጋሥ ዎል ቡሳርጊ ይስቱዌሽና፥ ዶድ ኡሺንድ ቃይጽንሱሺ ኤራሳንን ጋሥ ካይጉዌሽን ዶድ ቶሕን ኮቺ አትን ኤራሳንን ጋሥ ሺንኪ ጳቃርጊ ይስቱ። ⁶ ኡሽ ይሳንን ፔታስን ሶአ ዶድቃን ይስቲ ቱቃልኒ ኬስኪ ይስኩሺ ዶድ ኡሺስ ካንግ ስያፕሲ ይስቱ። ⁷ ኡሻሚንድ ዮራ ካሒ አሢስ ዶድ ቡይጥቃን ይሢ ድያድንሲ ይ ሲንጥቃን ፕያሣጉሽ ሸክ ሸኩ። ኡሻም አሥ ይሲንድ ባ ካሣም ፕያጺ ይስኩ አቱ።

⁸ ዮራ ካሒንድ አባሪን አፕ ኬስ ኬትን ኩሣ ኤዴን ማስቲ ይስኩሽን ሶይሲ ሶይጢ ይስኩሽ ካሻር ኩሥ ይሡ። አሣ ይ ባ ድያዱሺንድ ኡሽ ይቃን ይሡ። ⁹ ዮራ ካሕ ይሲንድ ኢንቻ ይ አፒ ባ ቤስታጉሽን ሶይጢ ባ ሙስታጉሽኒንድ ኤስኪ ይስኩሺስ ካንግ ጳርሱ። ሶይሲ ሶይጢ ይስኩሽ ካሻር ኩሥ ኡሽ ጸጽቃኒንድ ኢንቻ ካሥ ፕያጽ ያፕሳጉሻ፥ ኢንቻ ሶይ ጋሀ፥ ኢት ጋሀ ኤርሳጉሻ ኤንዲስ ጳርሱ።

¹⁰ ሶኢንድ ኤዴንቃን ይስቲ ኮሸኪ ዮአ ካሻር ኩሥ ኡሽ ዴንትካን አቲ ባርቲ ዶድ ኒባሲ ይስቱ። ኡሽኒንድ ይስቲ ባ ቤሸኪ ላድ ሻርሻም ኮሸኪ ሀንቂ ይስቱ። ¹¹ ሶአ ማፕ ኡሽ ሱሚንድ ፒሶን ማስቲ ዶዳ ኤውላፕ ማስቲ አንሢ ይቃን ያፕስቲ ይስኩሽ ዴንታም ኮሸኪ ሀንቂ ይስኩዌ። ¹² ዶዳ ኡሻጋ አንሢንድ ሶይሲ ሶይጢ ይስኩዌ። ዲልዮም ማስቲ ይስኩ ሺቱዋ፥ እኒክስ ማስቲ ይስኩሽ ንያላ ሶይሲ ሶይጢ አጢ ይስኩሻ ኤንዲንድ ዶዳ ኡሽካን ያፕስቲ ይስኩዌ። ¹³ ሶአ ናምናስኑሽ ሱሚንድ ጊዮን ማስቲ ይስኩዌ። ኡሽ ይሲንድ ኩሽ ማስቲ ይስኩሽ ዶድ ዴንታም ኮሸኪ ሀንቂ ይስኩዌ። ¹⁴ ሶአ ካዝናስኑሽ ሱሚንድ ጤግርስ ማስቲ ይስኩዌ። ኡሽ ይሲንድ አሶር ማስቲ ይስኩሽ ዶድን አባሪን አፕ ኬስ ኬትን ኮባም ኮሸኪ ሀንቂ ይስኩዌ። አድናስኑሽ ሶእ ሱሚንድ ኤፕራጢስ ማስቲ ይስኩዌ።

¹⁵ ዮራ ካሒንድ አሣ ባ ይ ድያዱሺ ኤዴንቃን ይስኩሽ ሶይሲ ሶይጢ ይስኩ ካሻር ኩሥ ጎብቃን ቃይጺ ይሲ ይ ባቂ ማኪ ይ ኤቲ ሀንቂ ይቃን ይ ይሡ። ¹⁶ ይሲንድ አሣ ኡሽ ይዩሽን «ካሻር ኩሥ ሀሸካን ይስኩሽ ኢንቻ አፕካን ካንግ ሙአ፤ ¹⁷ ኡሽ ይሳንን ፔታን ሶይ ጋሀ፥ ኢት ጋሀ ኤርሳጉሽ

ኢንች አጥካን ሙአሺዶ። ኡቭ አጥ ኔ ሙኡቭ ጎቅን ኢባራም ኔ ሀይብምሱዌ» ማኩ።

18 ዩራ ካሒንድ «አሢ ባ ካይ ይስትንሱቪ ሶይ ኤሳርጉዋጊስን ይስን ትያጥሚ ይ ጋሥንሱቪስ ታ ይስን ድያድንሱዌ» ማኩ። 19 ዩራ ካሕ ይሲንድ ዶድ ቶሕን ይስኬንድ ጸጥንዳ፣ ጫርን ፑኪ አጥቲ ይስኬንዳ ኤንዲስ ካንግ ቡይጣም ድያዱዌ። ይሲንድ ኢሣይቅኒስ አሥናሲ ሀር ማኪያን ሱምሥንሳን ቤቅኒ ይ ዳድን ኤቲ ዩኡ። አሥናሲ ይሲንድ ኤንዳ ባ ካሣም ፕያጺ ይስኬንዲስ ካንግ ሱምሡቭዎጥን ይያም ጸስቲ ሺዴንድ። 20 ይሲንድ ካንግ ጊዛ፣ ካንግ ጫርን ፑኪ አጥቲ ይስኬንዳ፣ ዶድ ዴብም ይስኬንድ ጸጥንዳይስ ካንግ ሱምሡ።

ኡቭንን ፔታስን ናሳ ኡቭን ትያጥሚ ይ ጋሥንሱቪ ያጥስታርጉ ይስቱዌ። 21 ዩራ ካሒንድ አሥናሲስ ኤርስታርጉ ሱድ ይ ሱሥን ሱርቅንሲ ይሲ ይስታጉቭን ይ ቲር ሜርትካን ማጥ ሜርት ጋዜ ኪስንሲ ይ ኩሢስ አቻም ካርሲ ጠጥሱ። 22 ይሲንድ ናሲ ቲርቃን ይሣ ባ ው ኪሴን ሜርቲስ ማይን አሢ ቃይጸንሲ ይዩቭን ው ኤቲ ዩኡ። 23 ኡቭም አሥናሲንድ «ሀቭ ሜርታ ሀና ታ ሜርቱ፣ አቻ ሀኒንድ ታ አቻ ጊዛዎ። ውሲንድ እያንቃን ያጥስታንቄናጋ ማይን* ማስትማካ» ማኩ። 24 ኡቭቭኒንድ አሢ ባ ባባ፣ ባያ ሺችንሲ ባ ማሽታ ባና ማጥ አትንሱዌ። ኢሣይቅኒንድ ባ ናማሲ ማጥ አሥ አትንሴንዴ።

25 አሥናሳ፣ ይ ማሽታ ኤንዲ ባ ናማስ ጉዝ ካይ ይስቲ ዩል ኤትኩ ይስቱንድ።

ዩራ ሀይጡቪስ አሢ ባቃርጊ ሺዱ

3 1 ዩራ ካሒ ዶድ ቶሕን ድያዱቭ ጸጣ ካንጉቭ ዴንትካን ጸጥንባቢ ሶይሲ ማልትናጉቭጊ ይስቱ። ይሲንድ ማጥን ጎቅን አሢን ውይስ «ኢባሪ ዩራ ሶይሲ ሶይጢ ይስኩ ካሻር ኩሥካን ይስኬንድ ኢንች አጥካን ማጣጎን ሙአሺድንዴ» ማኪ ሀይጥንሲ ይስቱ?» ማኪ አጩ። 2 አሢን ውሲንድ ጸጥንባብ ይዩቭን «ዩራ ሳሻር ኩሥካን ይስኬንድ ኢንች አጥካን ሙእምዴ» ኑ ማኩዌ። 3 ይሲንድ ኤሳጎን ማካሲ ሳኢንቻ ካሻር ኩሥ ጸጽቃን ይስኩቭ አጥ ሙአሺድንዴ፤

1* 2÷23 አይሁድ አሥንድ ናን ጋሀም እያኒ ኢቭ ማስታ፣ ማይና ኢቭ ማስታ ይስኬናጉስን ኢሣይቅን ጸጊ ማጥ ሀርኪ ይስኩዌ።

ይስኒንድ ያፓሺድንዴ። ኡሺስ ይንታይቅኒ ኤስ ይሣን ሀይብምሲንቱዌ፣ ማኪ ኑም ሀይጥንሲ ይስኩዌ» ማኬን።
 4ኡሻሚንድ ጸጥንባቢ አሢን ውዌሽን «ሀይቢሴ ይንቲ ሀይብምሳርጉዋዳ፣ 5ዩሪ ኡሺስ ኤስ ማኩሺ ኢንች ኡሽ አፕ ይንታይቅኒ ሙኡሽ ጎቅን ይዎጥን አታንቁ ኢታ፣ ሶያ ባድ አሢ ኤሪ ይስኬንድ ኤርትናስንድ ይንታይቅኒ ፔትንሱሺስ ኤሪ ባ ይስኩዌሽና ጊዜዎ» ማኩ። 6አሢን ውሲንድ ኢንቻ ኡሽ አፕ ባ ሙስትንሱዌሽን ሶይጢ ይስኩሻ፣ አፓሚንድ ባ ቤስታጉሽን አሥ ኡላሲ ይስኩሻ፣ አሢስ ኤርትናስ ባና አሥንሱዌሽኒንድ ሶይ ይ ፔቱሻይስ ቤቅንሳ ይ አፕ ጮጋ ሙኤን። ውሲንድ ኡሺስ ባ ቤስን ኡሥን ውዋ ባና ሙኡ። 7ኡሻሚንድ ኢሣይቅኒ ባ ናማሲ ግያርን ኤርት ያኪ ጉዝ ካይ ባ ይስቱሺስ ኤሬንድ። ኢሣይቅኒንድ ባላስ ማስቲ ሳትንሥ ሀርኩሽ ኢንች ሀይ ሲክንሲ ጊጺንድ።

8ኢሣይቅኒንድ ዶዲ ጡምሚ አቱሻም ዩሪ ካሒ ካሻር ኩሥካን ኤካ ሀካ አፕቲ ይስኩሺስ ሲስኬንድ። ኡሻም አሥናሳ፣ ይ ማሽታ ዩሪ ካሕ አፕም ካሻር ኩሥካን ይስኬንድ ኢንች ዴንትካን አሽቱንድ።

9ዩሪ ካሒንድ አሥናስ ይይስ ጺጊ «ኔ ሀርቃናዎ?» ማኩ። 10ይሲንድ «ካሻር ኩሥካን ኤካ ሀካ ኔ አፕታ ይስኩሺስ ሲስክንሳ ጉዝ ካይ ታ ይስቱዌሽን ሸርቅንሳ ታ አሽቱዌ» ማኩ። 11ዩሪንድ «አናጊ ጉዝ ካይ ኔ ፔቱሺስ ኒዩሽን ሀይጣዴዎ? ኢንች አፓ (ሙአሺዶ) ታ ማኩሽካን ሙእምሳኔ?» ማኩ። 12ኡሻሚንድ አሥናስ ይሲ «ታሐ ባና ው ይስቱ ማካ ኔ ታም ኡሜን አሢና ኢንች ኡሽ አፕካን ታም ኡሥን ታ ሙኡዌ» ማኩ። 13ዩሪ ካሒንድ አሢን ውይስ «ጋሀ ሀሺስ ዎስ ማካ ኤስ ይሣዳ?» ማኩ። አሢን ውሲንድ «ጸጥንባባጊ ታ ብያሥን ታ ሙኡዌ» ማኬን።

14ዩሪ ካሒንድ ጸጥንባብ ኡሺስ «ኡሺስ ኤስ ኔ ይሡዌሽን ጊዛ፣ ጸጣ ዶድ ቶሕን ካንግ ይስኬንድ ዴንትካን ዱርታስናንቃ ይስኩ ፔታም። ኒ ሺላሚንድ ባዝቃ ካሣም ፕያጸ ኔ ይስኩሽ አባሚንድ ካንግ ቡይጥ ኔ ሙእምሱዌ። 15ኒያ፣ አሢና ሀና፣ ኒ ዛራ፣ ው ዛራ ኤንዲስ ጋግናስንድ ታ አሥንሱዌ። ይሲ ኒ ቄር ጣንጭን ኔኒንድ ይ ቶእ ቄርንቄችካን ሳጽንሱዌ» ማኩ።

16ዩሪንድ አሢን ውዌሽን «ኔ ቃንቃጉሻም ኒ ኢራቲስ ቃጽ ታ ቤሻስንሱዌ፣ ኢራታሚንድ ኔ ዩልንሱዌ።

ኒ ቤሲንድ ታሳ ኒ ዳድን አሳ ኒም ይሲ ሀይጢ ይስኩሻም ኔ አቅንሱዌ» ማኩ።

17 አሥናስ ይዩሽኒንድ «ኒ ማሽት ጋሀ ሲስካ (ሙአሺዶ) ታ ማኩሽ ኢንች አፕካን ኔ ሙኡዌሽን ዶዲ ኒያም ባ ዶንቱሽ ዱርታስንማኬ፤ ካሳም ፕያጸ ኔ ይስኩሽ አባሚንድ ካንግ ዶዳ ሀሺስ ቃይጸ ጋምጣ ኔ ሙእምሱዌ። 18 ዶዲንድ አሙዋ፣ ጎሽታ ጳርስንሱዌ። ኔኒንድ ዶድ ቶሕን ሺንኪ ጳቂ ይስኩሺስ ኔ ሙእምሱዌ። 19 ይቃን ይስታ ኔ ያፕሰቱሽ ዶድቃኒንድ ሀይቃ ኔ ካርታጉ ሀክ ኒ ሙኢስ ኒ ኤርከናም ቃይጸ ኔ ያፕምሱዌ። ቡይፕቃኒንድ ድያስቱዋጋ ቡይፕቃን ኔ ካርትንሱዌ» ማኩ።

20 አዳሚንድ ይ ማሽታ አሳ ካሳም ፕያጸ ይስኬንድ ባይ ው ፔቱዌሽን ሂዋን* ማኪ ው ሱምሡ። 21 ዩራ ካሒንድ አዳማ፣ ይ ማሽታ ማእንሱ ቤት ዩሻስንሲ ኢሳይቅን ማይሱ።

22 ዩራ ካሒንድ «ሀሽ! አሥናሲ ሶይ ጋሀ፣ ኢት ጋሀ ባ ኤርንሱዌሽን ኒሕቃን ማፕናስዎፕን አታንቁዌ። ካሲ ሀሽ ይሲ ካንግዎይን ካሳም ፕያጸ ይስትንሱዌሽን ባ ኩቻም ካሥ ፕያጸ ያፕሳጉ ኢንች አፕካን ጮጊ ሙአሺድማኬ» ማኩ። 23 ኡሺሽኒንድ ዩራ ካሒ አሥናሲ ይቃን ባ ያፕሰቱሽ ዶድ ቃይጸ ሙኤ ማኪ ኤዴንቃን ይስኩሽ ካሻ ኩሥካን ይሢ ይ ብያሪ ኬሱ። 24 ይሲንድ ይ ብያሪ ባ ኬሱሻም ኤዴን ካሻ ኩሥን አባሪን አፕ ኬስ ኬትን ኮብ ኪሩቤል ማስቲ ዩርን ሶይጣንቂ ይስኬንድ ኩሥ ባቃኒንዲ ካሥ ፕያጸ ያፕሳጉሽ ኢንች ዳድን አሳ ይስኩ ቦድ ኡሺስ ባቂ ማስቲ ይሡ። ይሲንድ ቃዝቂ ሺፓ ታም ሳምዎፕን ሳንቂ ኪርኪር ካርቲ ይስኩሺንድ ኩሥ ኡሽን ይሡዌ።